



UNIVERSITÄTS-
BIBLIOTHEK
PADERBORN

D. A. Tractatus De Privilegiis Ecclesiae

Zanchi, Lelio

Veronae, M. D. LXXXVI.

Trigesimum Primum Priuilegium.

[urn:nbn:de:hbz:466:1-61627](https://nbn-resolving.org/urn:nbn:de:hbz:466:1-61627)

Trigesimum Primum Priuilegium.

- 1 **E**CCLESIA est in hoc priuilegiata, † quod omnes Epi
 scopi in eorum consecratione Chrismate liniuntur in
 capite, & manibus, & si fuerit prætermisum, supplen-
 dum est per tres Episcopos, vt in capit. 1. de sac. vnct.
 2 † Duæ enim sunt species vnctionis, exterior, & inte-
 3 rior, exteriore inungitur corpus, interiore cor. † vngitur oleo, &
 4 Chrismate, quare de vno, & quare de alio, quia p̄toleu nitor consciē-
 tia designatur, per oleum Chrismatis quod conficitur ex balsamo
 designatur odor famæ propter quod dicitur sicut balsamum aro-
 5 matizans odorem dedi, & quare † Episcopus in capite linitur, &
 Princeps in humero, & quilibet fidelis inungitur in spatulis, & pe-
 ctore, oleo sancto ante baptismum, & post baptismum inungitur
 chrismate, in vertice, ob rationem quæ est superior pars mentis, &
 in fronte vt liberè confiteatur, quod credit. In veteri testamēto nō
 6 solum vngebatur † Sacerdos, sed enim Rex, & Propheta, sicut in
 libro Regum, Dominus præcepit Helyæ, Vade, & reuere in do-
 mum tuam per desertum in Damascum, cumque perueneris illuc
 vnges Azahel in Regē, super Syriam, & Iesum filium, nam si vnges
 in Regem super Israel, Helisæū autem filium Saphat, qui est de A-
 7 belmeula vnges Prophetam pro te, sed vbi † Iesus Nazarenus,
 quem vnxit Deus Spiritu sancto, sicut habet in Actibus Apostolo-
 8 rum, † vnctus est oleo pietatis præconfortibus suis, † qui sunt Apo-
 9 stolum est caput Ecclesiæ, quæ est corpus ipsius Principis, vnctio
 est translata a capite, ad brachium, vt Princeps ex tunc non vnga-
 tur in capite, sed in humero, vel in brachio, iuxta illud, Factus est
 10 principatus super humerum eius. † In capite vero Pontificis sa-
 cramentalis, est delinitio conseruata, quia personam capitis in offi-
 11 cio illo Pontificali representat, † caput Pontificis Chrismate conse-
 cratur in humero, vel brachio Principis delinitur, vt percipiatur
 quanta sit differentia inter auctoritatem Pontificis, & Principis po-
 testatem unguuntur omnes fideles nam Apostolus Petrus ait, Estis
 12 genus electum, ideò in nouo testamento non solum Reges & Sacer-
 13 dotes vnguntur, † sed etiam omnes Christiani Oleo sancto, & post
 Baptismum Chrismate, vt per Sancti spiritus donum abijciat erro-
 rem, & ignorantiam, & suscipiat fidem rectam, † quia iustus ex fide
 viuit, sed an omnia omissa in ordinibus suppleantur, vel suppleri
 possint,

14 possint dicitur, † quòd quædam sunt substantialia, quæ si omittan-
 tur nihil agitur, vt ponere librum super ceruicem consecrandi,
 15 23. di. c. Episcopus, † Itē numerus cōsecrantrum ad minus sint tres
 65. dist. cap. si forte cap. si Archiepiscopus, & cap. seq. de tempo. ord.
 16 Item quod vnus Episcopus totam benedictionem perficiat, 23. di.
 ca. quorundam de consecr. si talia omittantur nihil agitur, ideò sup-
 pletio nihil operatur, quia ordinatio fuit nulla, quædam sunt
 17 solemnia necessario, vt tēpus, ætas, manus impositio, & in talibus;
 aut dispensatur in executione, vt in ætate, & tempore, cap. consulta
 18 tioni de tempo. ord. aut suppletur, † vt hic sunt & alia quæ dubia
 sunt, an sint solemnia vel non, ita quòd faciant sacramentum nul-
 lum, vt Missa, Ieiunium, & in quibus Canones discrepare videntur,
 & tenendum quòd fieri debeat iteratio, de bap. cap. 2. cap. vnico de
 19 cler. per salt. promo. † Quædam autem exiguntur quæ sunt leuia, vt
 tangere, vel non tangere ostium, vel campanam, vel candelabri tra-
 ditionem, vel calicis, & non reprobatur, si ad cautelam etiam taliū
 20 fiat suppletio, c. ad eius vero di. 5. l. qui mutuam. ff. manda. † & cum
 hæc per canones statuuntur, & canonistæ dubitant, mirandū quo-
 modo Theologus audeat ista diffinire.

S U M M A R I V M.

- 1 Promotus ad ordinē Subdiaconatus sine manus impositione, an permittatur ad ministrare in tali ordine.
- 2 Vnctus per errorem oleo cum debuisset perungi Chrismate non est iterandum sacramentum, sed supplendum quod incautē fuerat prætermisum.
- 3 Iterari non dicitur, quod factum non fuit.
- 4 Omissa in ordinibus conferendis suppleri debent.
- 5 Ordinatus in Subdiaconum absque manuum impositione impeditur ministrare, antequam suppleantur requisita.
- 6 Actum non dicitur cum aliquid superest agendum.
- 7 Sacramenta alia sunt voluntaria, prout est ordo, & matrimonium, alia necessaria prout est Baptismus, Confirmatio, Penitentiæ, Corpus Christi, & Ultima unctio.
- 8 Sacramentum ordinis dicitur maius respectu regiminis, nam per illud ecclesie regitur.
- 9 Penitentiæ dicitur maius respectu reparationis, quia sola post Baptismum.
- 10 Vnctio extrema respectu confirmationis, quia digne sumpta dat confirmationē gratiæ.

- 11 Sacramentorum proprietates sunt consideranda, & quare fuerint sacramenta instituta.
- 12 Baptismus est introentium, Confirmatio dicitur pugnantium, Corpus Christi dicitur progredientium, Pœnitentia dicitur redeuntium, Extrema vñctio recedentium.
- 13 Matrimonium, & ordo sunt voluntatis.
- 14 Sacramentum primum est timentium.
- 15 Sacramentum secundum alios regentium est.
- 16 Sacramenta propter tria sunt instituta, propter humiliationem, vt dum hominibus sensibilibus & inferioribus se subiicit reuerenter ex hoc amplius apud Deum mereatur. Item propter eruditionem. Item propter exercitationem.

Trigesimum Secundum Priuilegium.

- 1 **E**CCLÉSIA tali priuilegio gaudet. † Quidam fuit promotus ad ordinem Subdiaconatus sine manus impositione, quæsitum fuit, an permitti debeat administrare in tali ordine. † Vel si quidam per errorem fuit vnctus oleo cum debuisset perungi Chrismate, refricatur in dubium, vtrum sacramentum Confirmationis deberet in eo iterari, fuit responsum, per P. Maximum, quòd in talibus non est aliquid iterandum, sed supplendum quòd incautè fuerat prætermisum, cap. 1. de sacram. non iteran. Hic consideratur, † quòd non dicitur iterari quòd factum non fuit, † Item quæ omittunt in ordinibus conferendis suppleri debent, sed videtur quòd secundum ea quæ proposita sunt non sit responsum, sed dimittit nos in obscuro, 3 contra cap. fi. de constitut. cum fuerit quæsitum, † an ordinatus in Subdiaconum absque manu impositione debeat impedi, ne ministraret, sed glo. soluit dicendo, quòd antequam ista suppleantur, ministrare non debet, 5 2. distinct. capitu. sollicitudo. Et satis respondet cum dicat ista suppleri, † quia nihil dicitur actum, cum aliquid superest agendum, 7. quæstio. 1. capitu. illud magnopere considerandum arbitror circa † sacramenta, quòd aliqua sunt voluntaria, prout est Ordo, & Matrimonium, alia necessaria, prout est Baptismus, Confirmatio, Pœnitentia, Corpus Christi, & Vltima vñctio, secundum Host. † Sacramentum Ordinis dicitur maius respectu regiminis, nam per illud Ecclesia regitur, & habet alia per